

故貴以賤爲本高以下爲基是以侯王自謂孤寡不穀此其以賤爲本耶非乎

此章以六者並言而此以承上文貴高二字專爲侯王言之蓋侯王之位貴且高而冲虛之德不欲盈惟當自處於下賤也孤如無父寡如無夫不穀不善也皆不美之名非人所願有者而侯王自謂是以下賤自處也先云賤爲本下爲基而後但云賤爲本舉一以包二者省文也

故至譽無譽不欲瑑瑑如玉珞珞如石

瑑瑑玉貌珞珞石貌人之名譽彰彰有聞特淺小之譽必泯沒其譽人無得而稱迺譽之至也亦處賤下之意不欲分別

道藏輯要

道德真經註

巽

心集十  
川文三

美惡使人見瑑瑑粹美者之爲玉珞珞麓惡者之爲石也蓋人見其美惡則美者必有譽不能使之無譽矣兩節皆言冲虛不盈之德如此迺爲侯王之能得一也

### 右第三十四章

反者道之動弱者道之用

道之靜則無動則必與有相反反者無而不有也道之體則虛用則必以弱爲事弱者虛而不盈也此二句一章之綱天下萬物生於有有生於無

自此至善貸且成皆詳言反者道之動萬物以氣聚而有形形生於氣氣生於道氣形有而道則無無與有異故曰反言

道以反而動之由也

上士聞道勤而行之中士聞道若存若亡下士聞道大笑之不笑不足以爲道

此言人之能知以反而動者道與物反故惟上士有識者能勤而行之中士之識已不及而若存若亡下士無識以其不合世緣而大笑之矣識之者解此道之所以可貴也若皆能識之則不足以爲道矣

故建言有之

此句起下二節謂昔之立言者道之相反如下文所云十二事是也

道藏輯要

道德真經註

卷

心集十

明道若昧進道若退夷道若類

此言動而相反之事葆光用晦而若昧迺所以爲明雷後母前而若退迺所以爲進若絲之有類而不勻迺所以爲平均上德若谷大白若辱廣得若不足建德若偷質真若渝大方無隅大器晚成大音希聲大象無形

又承上文相反之義而廣之若谷之注下迺所以爲高上若色之污辱迺所以爲大白若狹小不足迺所以爲弘廣若偷惰不立迺所以爲建立質真皆實也猶云實之寔也渝不守信也必守信而後爲實實之實者反若渝而不信有隅角而後爲方方之大者反無隅而不方成而後爲器器之大者其

成反難而遲聲雜比而後爲音音之大者其聲反疏而希可見而後爲象象之大者反無形之可見

道隱無名夫惟道善貸且成

此終上文二節之意道隱於無名迺能徧付與於萬物而無所缺以上所言皆動而相反者也

道生一一生二二生三三生萬物萬物負陰而抱陽冲氣以爲和

自此至天下希及之皆詳言弱者道之用道自無中生出冲虛之一氣冲虛一氣生陽生陰分而爲二陰陽二氣合冲虛一氣爲三故曰生三非二與一之外別有三也萬物皆以三

道藏輯要

道德真經註

吳 心集十  
上三三

者而生故其生也後負陰前抱陽而冲氣在中以爲和和謂陰陽適均而不偏勝萬物之生以此冲氣既生之後亦必以此冲氣爲用迺爲不失其本以生之本冲氣虛而不盈故曰弱此言道以弱而用之因由也

人之所惡爲孤寡不穀而王公以爲稱

此言人之能知以弱爲用者曰孤寡不穀皆非強於人之名迺人所惡而不好者而王公以此爲稱是以弱而用也

故物或損之而益益之而損

此節起下二節弱者損之也而迺所以爲益強者益之也迺所以爲損如下文所云三事是也

人之所教我亦教之強梁者不得其死吾將以爲教父

此言用弱之事梁亦強也以木絕水以木負棟皆曰梁取其力之強也不得其死謂不能善終如子路之行行夫子以爲不得其死後果死於孔悝之難教父猶曰教之本父謂尊而無出其上者也人之所教教以用弱我亦以此教之強梁而不能弱必不能保其身以強梁勝人之益而有不得其死之損所謂益之而損者此最爲教人之第一義故曰教父天下之至柔馳騁天下之至堅無有入於無間吾是以知無爲之有益也

又承上文所言教弱之義而廣之至柔與無有皆弱也馳騁

道藏輯要

道德真經註

覽

心集十  
X11文

猶云躡躑無有謂無有渣滓之質無間無中間罅隙可入之處水至柔能攻穿至堅之石氣無有能透入無罅隙之金石墻壁以至柔無有之損而有馳騁至堅入於無間之益所謂損之而益者柔能勝剛無能入有皆非有所爲而自然故曰無爲之有益

不言之教無爲之益天下希及之

此終上文二節之意不言之教謂宜弱不宜強之爲教父不待言而知無爲之益謂至柔無有之馳騁能入也其教人益人之義過於人天下之以有言爲教有爲爲益遠不能及此故曰希及之以上所言皆用而以弱者也

右第三十五章

按上章得一德專言用弱矣此章又以反與弱對言何也曰二字一意也反者邇所

以弱之原弱者指所以反之實凡言反者即欲用弱言弱者即是與羣動諸有相反非弱之外又有所謂反也

名與身孰親身與貨孰多得與亡孰病

親猶云所愛名與身孰為可愛者乎多猶云所重身與貨孰為可重者乎名在身字上貨在身字下者便文以協韻爾司馬氏曰得名貨而亡身與得身而亡名貨二者孰病

是故甚愛必大費多藏必厚亡

愛愛名大謂身也以名比身則身大於名慕名者甚其愛而愛身反不如之必至耗費精神而損壽是因名而使身之大者耗費也故曰大費藏藏貨厚謂身也以貨比身則身厚於

道藏輯要

道德真經註

卷

心集十

貨嗜貨者多其藏而重身反不如之必至喪亡軀命而隕生是因貨而使身之厚者喪亡也

知足不辱知止不殆可以長久

知內分有定則足而不貪故不致失譽虧行之辱知外物無益則止而不求故不致損壽隕生之殆不可長久也

右第三十六章

大成若缺其用不敝大盈若沖其用不窮大直若屈大巧若拙大辯若訥

以成爲成盈爲盈直爲直巧爲巧辯爲辯小矣若缺則非成若沖則非盈若屈則非直若拙則非巧若訥則非辯迺爲成